

欧氏族谱

卷二



歐氏族譜

卷二

述西峰公家规十则

一敦孝友

父母一天地也兄弟一手足也孟子有云孩提之童无不知爱其亲也及其长也无不尊敬其兄也无如世道不古人心浇漓有亲而不知爱兄而不能友其弟弟而不知敬其兄惟妻子是私视父母兄弟如路人泯然面目何以立天地之间族有是人即以家法绳之如顽梗不悛屏诸族外毋玷家声

一崇祀典

祭祀所以追远报本凡春露秋霜惟本动惻然之念每岁二祭必须致虔致诚洒扫堂室拂拭主凡礼文祭器无不备具祀品宜用时物则宗子与各执事内尽其诚外尽其礼庶几祖考来格可不怨恫祭毕而饮宜循昭穆之序敦齿让之仪献酬交错曲尽其欢切勿裂弁屡舞貽仪失礼尤於祖考妣忌曰追远报本竭诚拜祭此所谓终身之丧也

一联族谊

族不论大小或相友相爱疏者亦亲或相猜相忌亲者亦疏吾於席厚履丰者每於岁时伏腊必须聚族言欢凡遇冠婚丧祭酬应周旋必不可或有力不足须酌为资助断不可视等涂人而贫者亦宜安分循礼不得以有求不遂即生觖望之心庶几疏者可亲而亲者不失其亲矣

一修祠墓

祠者祖宗神灵所栖墓者祖宗体魄所藏一遇倾颓宜速修理宁节蒸尝之费毋缓延濡滯恐日久废弛工繁费倍也吾族相冢颇多每年须按房扫祭签点正直一二人督修榛莽又有绝房之冢犹当留心修辑庶明可免豪强之侵占阴亦受庇於幽魂至於坟山圯地祖宗所遗各支有分並非私置物业族有不肖子孙惑於风水之说私生覬覦肆行偷葬不顾宗之骸骨或斩龙遮向或侵犯迫伤甚至盗卖归囊无所不至如一经查知合族鸣鼓而攻大则官法重处小则家法惩治决不轻恕慎之慎之

一正名义

治国齐家莫大於正大名义名义不正有多少不顺不成之事先圣明炳若日星近来世降凤移为尊长者骄纵自恃轻簿疏远其卑幼者顽梗不率狎侮脾睨由尊长者不亲不顺之渐也凡我宗族必以正名为先敦睦为本倘或蔑伦乱法无论尊卑长幼有犯者定於祭祠之日请祖宗戒牌当祖重责以板再不姑宽如姑终不悛宜於谱系中直书恶迹除名出族庶不肖子孙知所警畏

一课子孙

古文云父兄之教不先子弟之率不谨朱子云子孙虽愚经书不可不读是在为父兄者勿以独子而弱爱不明勿以不肖而疾之已甚所谓才也养不才至於寡妇之过慈一弊也伯叔之异视亦一弊也文武侯云子弟宁可终岁不读书不可一日比匪人诚哉是言盖亦人人可学岂但责贤者哉文武並全者尚已与其有文无武不如有懿行之为愈

守本分

賢愚貴賤皆宜守分朱文公家訓所謂安分守己是也蓋守本分則貧者不至飢寒而陷則富者不至奢肆而驕上可以承祖宗之緒中可以保一己之身下可以裕子孫之業文昌帝君之言曰眾善奉行眾惡莫作而已矣

一 务常业

吾族子弟不论貧富皆宜因材而篤秀者澤以詩書愚者教之耕種其餘工商須令隨執一业各安經紀庶几身心有寄衣食有賴不至妄作非苟不务常业则无以保其身心游手好闲必放僻邪侈寡廉鮮耻流於賭博入於盜賊破家亡身為亲友所不齒亦五法所必誅悔何及哉

一 崇节俭

节俭者为天地留其有餘为生人防其不足世俗侈靡最是害焉无论貧者所宜俭即富者亦所宜节俭故孔子云兴其奢也宁俭诸葛亮武侯有云淡薄足以明志凡日用饮食以及冠婚丧祭须量入为出为其所当为不可为其所不为庶富者可保而貧者不至彻骨矣

一 隆斯文

斯文为一族之望游泮水可蒙优免凡差徭不得过而问焉国典三年一宾兴动费帑项始得一士凡遇游泮及乡会试祠堂中须称量奖予以鼓励读书作人之志而为斯文者兴其得志骄恣欺凌视族人如陌路虽列冠裳殊为可耻

祠者祖宗神灵所栖墓者祖宗体魄所藏一遇倾頽宜速修理宁节蒸尝之费毋缓延濡滯恐日久废弛工繁费倍也吾族相冢颇多每年须按房扫祭签点正直一二人督修榛莽又有绝房之冢猶当留心修辑庶明可免豪强之侵占阴亦受庇於幽魂至於坟山圯地祖宗所遗各支有分並非私置物业族有不肖子孙惑於风水之说私生覬覦肆行偷葬不顾宗之骸骨或斩龙遮向或侵犯迫伤甚至盗卖归囊无所不至如一经查知合族鸣鼓而攻大则官法重处小则家法惩治决不轻恕慎之慎之

一正名义

治国齐家莫大於正大名义名义不正有多少不顺不成之事先圣明炳若日星近來世降凤移为尊长者骄纵自恃轻簿疏远其卑幼者顽梗不率狎侮脾睨由尊长者不亲不顺之渐也凡我宗族必以正名为先敦睦为本倘或蔑伦乱法无论尊卑长幼有犯者定於祭祠之日请祖宗戒牌当祖重责以板再不姑宽如姑终不悛宜於谱系中直书恶迹除名出族庶不肖子孙知所警畏

一课子孙

古文云父兄之教不先子弟之率不谨朱子云子孙虽愚经书不可不读是在为父兄者勿以独子而弱爱不明勿以不肖而疾之已甚所谓才也养不才至於寡妇之过慈一弊也伯叔之异视亦一弊也文武侯云子弟宁可终岁不读书不可一日比匪人诚哉是言盖亦人人可学也但贵贤者哉文武並全者尚已与其有文无武不如有懿行之为愈

之君子矣

一劝善听兄弟不睦多由妇人倘委靡不振过信妇言始而驱辱父每终至伤失兄弟此诗所云妇有长舌惟厉之阶也为男子者可不谨欤

一劝专习土者习为士农者习为农工者习为工商者习为商业精於勤荒於嬉异日苦尽甘来非专务本业之有益哉

一劝谦让谦以处己让以接人人生大闲倘已不先谦而欲人谦已不肯让而人让此诚不可必得也惟不可以贤智先人庶乎其可

一劝教子从来高爵厚禄皆由读书所致倘有子而不教则是中也叶不中才也叶不才人亦何以乐有贤父兄也然欲光祖耀宗非教子以读书诚不可也

戒条十款

一戒不孝不弟从来尧舜之道不外孝弟凡我宗族子姓兄弟或有驱辱父母凌犯兄长者一经投族房长即宜带赴祠堂当祖重惩如有闪躲鸣官究治外书不孝倘房长党获查实将房长以宗法严处

一戒赌博贪赌之欲既生为盗贼之谋必起倘或顽梗之子贪利无厌市镇则勾党博欢乡党参群赌钱始而卖岭田园终至鬻换男女此皆赌博所致如此匪徒当祖重责

一戒流荡从来四民各有常业劳身食力方能立家倘从欲败度流荡忘返上不顾父母之奉不管妻子之食甚至炉烟扫祠不归奉祀即当祖重责逐出不收

一戒烂酒酒以人为合欢醉必至于失仪倘有贪饕之輩惟酒甘醉心神不定身体不顾忽焉笑语欣呼忽焉息骂毒辱甚至来拳脚起驱伤长上当 祖责惩

一戒偷盗大抵家寒计薄务要清心寡欲倘婢已之无攘人之有虽可充一时之饱暖未免貽终身之污辱或贪得无厌为人拘拿小而打板挑枷大而充军问罪抛妻屏子耻祖玷宗悔之不及矣戒之戒之母自累可也

一戒伯儋产业地基彼此接壤耕田凿井各安本分试观尧舜让天下夷齐让国而兄弟之间岂可并吞伯儋乎倘锄耰划草以图广大湾包割直以陷愚弱如此行儋当 祖重惩

一戒阴憾兄弟叔侄患难相共岂可微隙而反怀憾哉倘族中兄弟有事故坐视无救反以窜此弄彼搬长较短勾党外人除行计策使败坏家计残伤骨肉者当 祖重责

一戒傲慢出入乡党往来宗族年长以倍则父事之十年以长则兄事之倘有不恭不敬轻慢兄长者书不弟

一戒仇妒同宗共族情亲谊重乌可存嫉妒之心而加於一本乎然宗族兄弟难免诋訾断不可执憾成仇反为用妒加害甚至勾通恶人谋破家计如有犯者 当祖严惩

一戒败伦敦伦伤纪宗族大本如有乖伦犯义轻投房长查明确实並無挟嫌诬者遵 宗法严惩

族训

族训一编凡有六条迺遵诸

圣谕而作也夫广训一书原为启迪天下而作安敢外於家哉盖家可通於国国本於家其人不外子臣弟友其事不外日用饮食其理可行於通都大邑之近其法可施於穷乡僻壤之遥诚以在国为宪典者在家即为族训欲使我合族之人是父是子难兄难弟各晓矩矱遵而守之效而行之诚非遵

圣天子之晓谕不可也爰作厥训以为族之贻训敬为之次序

一敦孝弟百行之原惟孝弟为先父母之恩昊天罔极顾人子之荣亲者少辱亲者多如博奕饮酒好勇鬪狠好货财私妻子皆足貽亲夏荀欲报亲劳於万一理应随分自尽得其欢心始可以为子父有冢子称曰家督弟有伯兄称曰家长大凡日用行习事无大小众子弟皆当咨禀焉故语言要顺步趋要徐皆以明弟道也若变起於骨肉寡生於闾墙手足之谊其谓之何也

一笃宗族子侄兄弟皆本乎祖虽还近异势亲疏异情而其原则一勿以贵凌贱勿以富欺贫勿穷恃惫儿在族中宜厚勿薄宜亲勿疏喜则相庆将以欣戚则怜以情毋以小故而堕宗支毋以微嫌而伤亲爱将见仁让兴而颺风息有司表仁里君子称巨族倘偏听妄奴误中谗惹因意见偶乖即丧宗族之义非但不知雍睦抑且违乎矣

一务本业士农工贾各有常业而土居首重凡为子弟者必以业儒为先图犹当刻自淬励方克有成果其天姿钝拙躬亲农事亦为张本至於工贾各随才力不可妄求逸豫游手放荡上无以继祖宗下无以垂子孙甚至饕餮不给俯仰无资其何以为人观前代

舉賢以孝弟力田制科誠知本業之當重也

一端士習風俗累人賢者不免古來家塾黨庠之設由來久矣故為士者務令以孝弟為本材能為未器識為先文藝為后必確然知禮義之當守廉耻之當重然后發為文章非空虛之論見之施為无浮薄之行苟妄邀名利不考前言往行以审所从則品行不端动辄得咎其何以為宗族樹仪型哉

一重農桑養生之在本於農桑衣皆食之所由足也桑者衣之所自出也一夫不耕或受之飢一女不织或受之寒故古來天子亲耕王后亲蚕凡為天下倡也勤則俯仰皆足情則坐受其困惟审天时察地利勿因岁时偶歉轻叶田園勿慕奇贏倍利輒改旧業欲不飢不寒者農桑之事烏可忽諸

一明让五方風气不同人情好尚名异圣人制礼以齐之大而冠婚喪祭小而酬酢往來皆有礼以行乎其間然族訓惟礼行礼惟让让者礼之本也使徒上繁文毫无實意則尊卑无序上下无等何以善俗而成風惟以让为本則父母有真爱兄弟有真敬朋友有真信族有款洽此礼让之讲宜急焉

一尚节俭人生不能一日无用即不可一日无財然必留有餘之財始供不时之用則俭德尚焉纵礼贵得中固陋原足貽讥骄盈反以致败倘不念物力维艰一时夸耀閭党转盼遗产立尽弱者坐视无资强者作匿犯刑所以冠婚喪祭各按本分亲朋往來宜依家常日不节若则嗟苦盖言始之不节终至嗟悔

一慎典守祖宗田地皆先祖所置以为子孙费用之资除费祭外宜按支轮管常存先祖基业有羨餘者择族中诚实者当众立书收停生息至祠屋坟有经败坏速即支出以为修整之资苟数目不清妄生覬觎僭祖业为己私变祖业於异姓则以欺祖瞞宗论合族皆声大义以责之

一崇厚德父母天亲兄弟宗族所贵言温而气和善善宜长恶恶宜短偶有过失须当含忍微言规谏若悻悻自逞一时言语刺怒致后情绝恩睚眦争一时之胜不顾后日之优安能家道蕃昌不致貽笑方家乎

一遵礼度祠堂岁祭墓坟扫祭务要先期经理味爽举行极如在之诚始可言祭若愆时失度苟且塞责祖宗岂无怨恫以及夫男女婚姻男以弱冠为期女以十八为节庶无失时之叹苟不因时制宜恐事变迁终有后悔

一戒奢靡族中子侄宜按分循理衣服器用朴素浑坚延宾接客礼勤意厚适可而止若庆弔馈问因时制宜不可拘定即亲友宴饮不可太适故演戏歌舞夜饮沈醉一切繁文各宜禁革盖饮固足以伤生淫声反以乱性大禹好恶可不鉴欤

一训子弟人生德业端自童蒙十年曰幼学二十曰弱冠虽有昏明强弱之不同必须养其德性遏其邪心广其器识谨其嗜好当力学以变之如轻浮则矫之以严重褊急则矫之以宽宏明示以父兄之训诲严命以师友之箴规始可进德而成材苟游手好闲依附比匪则子弟之率不谨皆父兄之教不先义方之训容乌已焉

一和乡里比閭相接抵牾易生睦姻任恤之教由来久矣人无论亲疏性无论同异要皆以忠厚相待毋飭智警愚毋倚强凌弱谈言可以解纷施德不望报人有不及当以情恕己有功劳愿无伐施故巨室耆年乡党之望胶庠耄士里閭之英宜以和辑休风为一表率乡里称为善良閭里推为长者和之为益大矣若涯耻凌竟至屈辱公廷何以安生业而型子弟哉

一解仇忿人道莫大於守身守身即能事亲苟非不共戴天亦可情恕理遣每见庸众多至轻生非寡起於夙昔即祸生於一朝但凭血气用事逞一朝之忿鲜有不忘身及视亲者矣惟养和平之气听师友之箴规从老成之劝慰自可水消雾散全身保亲之道莫切於此古语忍之斯须乃全尔躯孔子云忍思难先哲之格言也

一息争讼族中子侄兄弟各宜严气正性秉公自处兄弟偶有争端宜请通族处排难解纷公议谁非依议重责方为正直如有顽梗不遵纷纷鼓簧甚而恃老恃势斥骂理处之人此无忌惮之尤者以官法从苟因田土细事擅使结控公廷非但自取玷辱抑且貽笑宗支其何以为美里巨族乎当反加责倘要恃蛮恃惫逞奸咬唆词讼欺痴呆而害忠良即为不法之徒举族族当声其罪书健讼

一禁姑息凡为人父兄子弟当育义方之训聪明者教以诗书钝拙者教以力田至於人孝出弟谨言慎行爱众亲仁射御书数无论明昧皆所当教厥家始昌苟姑息其恶休养其奸罔知朱墨何以为人父为人兄即出嫁女子难甚爱情其奁资仅许奴婢观於溪龙山

因拔奩之貽禍甚大后之姑息女子者蓋鑒諸

增補規條訓戒

一事亲宜孝也蓋孝者天之經地之义民之行也人不知孝父母独不思父母鞠子之恩乎当临产时母氏十病九死性命难安既产后子同父母一块血口不能言足不能行饥不能自哺寒不能自衣为父母者审声音察形色笑则为之喜啼则为之夏三年怀抱时刻不能放下迨养成童延师教训计定婚姻望子兴家望子成名百般劬劳总为子谋长久之计诗曰深恩罔极此之谓也为子者何能酬其万一乎且既名为父母血气必衰非帛不暖非肉不饱腰腕骨痛动举难否泰不常时多啾唧或晚年失偶寒暖祇自知凄凉共语鰥夫犹自可寡妇更孤栖家中阴雨不可测枕上泪湿有谁知人子而念及此难欲难薄待父母忍之乎夫人难至愚亦知敬神拜佛供奉菩萨不如父母犹为家中生佛菩萨何不将敬神拜佛供奉菩萨之心转而敬父母供奉父母乎夫孝亲之道不一而养志体其要焉者养志维何行善事作善人莫惹祸莫嫖赌莫构讼妻儿小心奉承以愉亲心养斯为养志养体维何随尔力量饥则荐食寒则荐衣早晚问亲遇时节生辰以诚祝拜有代事劳有病侍药斯为养体或父母有过婉词几谏见志不从又敬不违劳而不怨及夫天下午告终尽礼殡葬四时人节竭诚祭祀我族果能体此难不敢言尽孝亦不至於不孝矣

一兄弟宜友也夫兄弟为手足生则同胞乳则同哺故姜家大被以同眠宋君灼艾而分痛

以休戚之相关也诗曰兄弟阋于墙外御其侮又曰死丧之威兄弟孔怀原隰哀矣兄弟求矣岂可薄骨肉而厚他人也哉按兄弟之不和多因田产所致或父母溺爱取与不均或听妻妾枕语迷惑过甚稍因微利即起争端牛出恶言牛尚拳头甚且结控不休剪为仇仇岂同气之亲乎吾族尚其戒之

一宗族宜睦也书曰以亲九族九族既睦九族者一本之分也睦之道谓何忍而不忿让而不争不倚富以欺贫不恃强而凌弱单以自牧和以处众忍让至则凌兢不生而族斯睦矣按忍让二字最难口角细故可忍假尔肢体受伤忍之乎箪食豆羹可让假尔产业被夺让之乎故能忍能让置不与较此识养兼到圣贤为徒者上也至於侵凌之加和气柔声面质曲直使施者知所自反而得两相安者次也或诉之宗族任尊长处分勿逐形其暴戾径到公庭又其次也苟徒贪忍让之名蓄而不发再积既久将有不堪言者欤

一子弟宜教也人无智愚学则庶人之子为公卿不学则公卿之子为庶人孟子曰中也养不中才也养不才故人乐有贤父兄也今人教子弟以争利尚气是教其招祸戕身之道君子教之以事君教之以事亲教之以睦族其质美者俾从师友讲习诗书切磋琢磨於诚正修齐治平之道居为贤士出为名臣俾知上通朝廷之治下守细民之业战兢惕励无蹈於邪矣善教矣按人家父兄孰不愿意子弟之贤但教子弟当在婴儿时语云桑从小鬱长大鬱不屈为父母者急宜早时随事惩戒切勿姑息以致习於成性每见子弟少时得罪尊长父兄不独置若罔闻且曲加回护及长大之日不顾理法噬吞同气皆不预教

况教之以争利尚气乎哉

一夫妇宜和也夫妇为人伦之始诗首关雎言化起於闺门易先乾坤言六子生於父母故必夫妇顺然后家道昌诗曰妻子好合如鼓瑟琴兄弟既翕和乐且耽父母从此顺矣可不修身以端本之乎

一祖宗宜敬也礼曰入庙思敬过墟思哀庙固祖宗灵爽所在亦祖宗形体所存即谱牒亦祖宗名字行实心血手迹之所遗当珍重秘藏勿使污秽遗失至祭坟扫产犹宜谨守生殖以备春秋之费

一习业宜勤也文公曰业精於勤荒於嬉士农工商皆可资身而济家固随其性之所近专心致志勿以见异而迁勿以畏难而阻以致习业之不精也

一修身齐家为要也朱文公曰忠孝起家之本勤俭治家之本循理保家之本和顺齐家之本

一婚媾宜慎也礼云娶妇之贤否关乎吾家之盛衰又曰婚姻论财夷虏之道也故凡为吾儿择妇必择父母之孝顺又择家规之谨严切勿贪一时富贵致挟势以矫其夫家

一家礼宜遵也夫礼者范围不过曲成不遗君子依之以立德小人遵之以寡过日用伦常依礼而行则父子兄弟夫妇一一恬然至於冠婚丧祭当曲遵仪则不可苟简废弃以贻口实犹是继续一事礼有明训不可糊涂惟承以致破家之消

一嫌疑宜别也礼曰男女自八岁以上不同席不共食又曰嫂叔不通问妇人不出闺门出

必蒙蔽其面近世穷乏之家不能尽遵礼制而嫌疑之除宜自丈夫远之遇妇人於道先宜避之至家无男子不应到其门即有紧急亦当请人传宣寡女孀妇之门切不可私到其家须懷瓜田李下之戒

一葬棺不论远近速宜立碑以垂不朽勿使子孙日后失认如果家贫不能立者恕之如惜财者当 祖责板三十不货

一祖坟不论先代近脉既为吾身所统承者必亲临扫祭废则举倾则修不可有昭陵献陵之举

一三月而葬士庶之分凡我族有丧者必遵礼安葬不可惑於风水讹故停棺致蹈轻年暴露之罪

一葬地须避道路城郭沟池耕犁村落并屈崩塌之处亦不可偏听堪輿谋穴僭侵以致伤败祖坟

一坟茔须护固高大近坟之地不可种树屈凿即到穹困决不可鬻之异姓

一父在年可生子者不注子数多少父歿方定

一妇人不遵法度情理者责夫责子无夫子者书愈妇

一待妻妾相敬如宾相爱如友夫妇顺而家道成倘夫纲常不立致妻妾佔权恃愈轻生不顺翁姑不睦妯娌有恶声外闻者初犯当 祖责板三十再犯涂去妇人姓氏甚至纵欲败度而夫不能管束削去夫名即属寡妇亦应守苦志以全贞节或不能守节即听改嫁

亲人勿得拦阻

一 妇女务以贞信自守作止语默不出闺门毋登山从舟毋群队游青毋入庙礼拜毋立会结绿即粗言愈妇亦不许交接此家中妇女第一要节

一 妇人年至四十无子者即可听夫娶妾以为后计若妇多方妒忌可携妾远居生子待妻死后方携归家以防其毒

一 娶妇必择有家教人家方得佳妇不可徒暴厚奁以致伤风俗

一 族娶续间有机巧心毒架陷层生激怨同气为夫主者切勿为所迷

一 失偶娶继妻者多欲少艾如子媳既长而事以舅姑易生嫌隙然此为有子言之若无子又当别论

一 士农工商当习正业而四者之中分其高下士为上农次之商次之朱子曰读书乃起家之本吾族子弟务於家诵户弦立志为上不可以下愚不移而自限之即或亲老家贫书不能读宁假糊馆口亦学之一道断不可尽弃学业而专务农工商贾

一 父兄师长务以德行自重抚恤后生凡礼貌言动要加慎实四民之中各安本业毋游手懈怠以为子弟率焉

一 子侄年非十六不许与伯叔同坐违者族长罚之会膳不拘

一 卑幼不可抵抗尊长如有呵责不论是非但当俯首默受无容争辩以坏敬慎不违之道子弟待父母须要恭敬谦逊不独亲者宜然即疏者亦当戒欺求谦以端孝弟之本